

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Хервеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Na osnovu članu 15. Zakona o mladima Federacija Bosne i Hercegovine („Službene novine FBiH“, broj: 36/10), čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04) i čl. 9., 10., 11., i 12. Pravilnika o formiranju i vođenju spiska omladinskih udruženja na području Općine Centar, broj: 13-36-75/22 od 22.11.2022. godine, Općinski načelnik upućuje

STALNI POZIV

omladinskim udruženjima za upis u spisak omladinskih udruženja
na području Općine Centar

I

Pozivaju se omladinska udruženja koja imaju sjedište ili registrirani ured na području općine Centar, da izvrše upis u Spisak omladinskih udruženja Općine Centar Sarajevo (u daljem tekstu: Spisak).

II

„Omladinsko udruženje“, prema Zakonu, označava udruženje čije članstvo i organe upravljanja čine dvije trećine mladih, čije su aktivnosti i statutarne djelatnosti usmjerene na mlade, a koje se osniva, registrira, djeluje i prestaje postojati u skladu sa zakonom na osnovu kojeg je registrovano.

Međunarodna udruženja koja nisu registrovana i u Bosni i Hercegovini ne mogu dobiti status omladinskog udruženja.

III

Omladinska udruženja koja žele predlagati projekte za mlade ili biti član Vijeća mladih Općine Centar dužna su se upisati u spisak omladinskih udruženja Općine.

IV

Zahtjev za upis u Spisak podnosi se Službi za obrazovanje, društvene djelatnosti, kulturu i sport (u daljem tekstu: Služba) sa potrebnom dokumentacijom nakon upisa udruženja u registar koji vodi nadležno ministarstvo pravde.

Zahtjev za upis u Spisak potpisuje osoba ovlaštena za zastupanje i predstavljanje omladinskog udruženja

Zahtjev se, prema vrsti podataka koji se unose, sastoji od tri dijela, i to:

- a) podaci o omladinskom udruženju,
- b) podaci o licu ovlaštenom za zastupanje i predstavljanje,
- c) podaci o upravnom odboru i skupštini.

Uz zahtjev za upis u Spisak prilažu se:

- Rješenje o registraciji udruženja
- Osnivački akti udruženja
- Statut udruženja

V

Zahtjev i prilozi se popunjavaju digitalno i podnose se Službi skenirani putem službene mail adrese: mladi@centar.ba.

Zahtjev se nalazi na web stranici Općine www.centar.ba

VI

Ovaj javni poziv se objavljuje na web stranici Općine Centar i stalnog je karaktera.

Konsultacije po ovo Pozivu obavljaju se svakog radnog dana u periodu od 12.00-14.00 sati, kancelarija 317.

Za sve informacije možete se obratiti na telefon 033/ 562- 384 ili putem mail adrese mladi@centar.ba